



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

Broj: A-219-9/18

Datum: 13.07.2018. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

**O D L U K U**  
**o izboru najpovoljnijeg ponuđača**

**Član 1.**

(Predmet odluke)

Ugovor o nabavci za LOT1 - Radne stanice-računari za potrebe Tužilaštva-Tužiteljstva Bosne i Hercegovine, dodjeljuje se ponuđaču **Godimerc d.o.o. Sarajevo**.

**Član 2.**

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku za dostavu ponuda.

(2) Ponuda ponuđača je u okviru procijenjene vrijednosti za predmetnu nabavku i iznosi 56.940,00 KM bez uključenog PDV-a.

(3) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Tenderskoj dokumentaciji.

**Član 3.**

(Stupanje na snagu)

Ova odluka stupa na snagu danom donošenja.

**O b r a z l o ž e n j e**

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-1-1-320-3-21/18 od 18.05.2018. godine. Za predmetni LOT primljene su četiri ponude ponuđača: Elur d.o.o. Kiseljak, Godimerc d.o.o. Sarajevo, Printex d.o.o. Sarajevo i Digitarija d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopune Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine članovi Komisije (u daljem tekstu: Komisija) izvršili su pregled i ocjenu ponuda i utvrdili sljedeće:

Ponude ponuđača **Elur d.o.o. Kiseljak** i **Digitarija d.o.o. Sarajevo** se smatraju neprihvatljivim iz razloga što isti nisu dostavili ponudu/tehničku specifikaciju na jednom od službenih jezika u BiH kako je traženo Tenderskom dokumentacijom i to tačkom 4.8 iste.

Komisija je uputila Zahtjev za pojašnjenje ponude, broj: A-219-5/18 od 11.07.2018. godine ponuđaču Printex d.o.o. Sarajevo. Naime, ponuđač Printex d.o.o. Sarajevo je dostavio potvrdu o uredno izvršenom ugovoru za isporuku računarske opreme izdatu od strane Ministarstva odbrane Bosne i Hercegovine. U dostavljenoj potvrdi nije precizirano koja vrsta računarske opreme je ugovorena. Nakon dostave pojašnjenja od strane Ministarstva odbrane Bosne i Hercegovine, broj: 11-03-26-1927-8/18 od 12.07.2018. godine Komisija je utvrdila da je dostavljeno pojašnjenje u potpunosti prihvatljivo.

Ponude ponuđača **Godimerc d.o.o. Sarajevo** i **Printex d.o.o. Sarajevo** su u potpunosti prihvatljive i zadovoljavaju uslove Tenderske dokumentacije i Tehničke specifikacije.

Shodno navedenom, članovi Komisije su uputili preporuku v.d. glavnog tužioca Tužilaštva-Tužiteljstva Bosne i Hercegovine za izbor ponuđača **Godimerc d.o.o. Sarajevo** čija ponuda u potpunosti ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Dostavljeno:

- Ponuđačima,
- Odjelu za materijalno-finansijske poslove.

